

Inatsisartut suleriaasiat § 37 naapertorlugu matumuuna Naalakkersuisunut apeqqutit imaattut saqqummiuppakka:

Apeqqutit:

- 1. Ilumoorpa tunumi qilalukkat amerlassusaannik kisitsinissaagaluq tikaagullinnik kisitsinissamik taarserneqarsimasoq?**
- 2. Tunumi qilalukkanut pisassiisutaasartut amerliniarlugit Naalakkersuisut pilersaaruteqarpat?**
- 3. Pisassat qilalukkanut qernertanut qaqortanullu Tasiilami 18-it amerliniarlugit Naalakkersuisunit pilersaaruteqartoqarpa?**
- 4. Amerlineqassappata tamanna qaqugu naatsorsuutigineqassava?**

(Inatsisartuni ilaasortaq Laura Taunajik, Siumut)

Tungavilersuut:

Pisassisutaasartut tunumi ikilisinneqarmatali aningaasarsiutigineqarneranni piniartunut sunniuteqarpoq. Tunitsivitigut aalisarneq eqqarsaatigalugu annerusumik aningaasarsiortoqarsinnaananilu isumalluuteqartoqanngilaq.

Pingortitap nammineq killilertarpaa piniagassat takkusimaartarnerat aamma inuuniarneq anigaasarsiornerlu taamatut itsillugu isumaqarpunga killilersuineq sakkortuallaamik atuutinneqarnera ingerlanneqartoq.

Tunu immikkuullarissuuvoq aammalu piniarnermik ingerlatsisut piniagassanut naleqqussartuupput piniagassat ukiup qanoq ilinera aallaavigalugu takkusimaarfeqarlutillu qimaguttarlutik soorluttaaq kitaani taamatut inissisimasut.

Tunumi illoqarfinni nunaqarfinnilu, ukiup ilaani inuusutissatigut pisiniarfiit akigititaat unammiuminaatsumik inissisimalertarput aammalu pisiassatigut akunnasisarluni, taamaattumik piniagassat pingaarutilimmik inissisimasuupput. Pisassiissutillu amerlineqartariaqarnerannik apeqquteqaatiga nalilersuiffigineqartariaqartutut isumaqarfigaara.

Apeqquteqaatimma ullut suliffiusut qulit iluanni akineqareersimanissaat kissaatigaara.